



Broj: 27/03-04-58325-1/25
Sarajevo, 31.12.2025. godine

Na osnovu člana 7. Odluke o utvrđivanju postupka imenovanja članova Upravnog odbora Univerziteta u Sarajevu koje imenuje Vlada Kantona, početak i način rada, prava i obaveze, postupak razrješenja i druga pitanja bitna za zakonit rad i efikasno funkcioniranje Upravnog odbora Univerziteta u Sarajevu („Službene novine Kantona Sarajevo“, br. 27/13 i 42/17), a u vezi sa članom 58. Zakona o visokom obrazovanju („Službene novine Kantona Sarajevo“, br. 36/22 i 28/25), Ministarstvo za nauku, visoko obrazovanje i mlade Kantona Sarajevo raspisuje

JAVNI KONKURS
za izbor i imenovanje predsjednika i članova Upravnog odbora
Univerziteta u Sarajevu - ispred Osnivača

Izbor i imenovanje predsjednika i članova Upravnog odbora Univerziteta u Sarajevu vrši se za pozicije, kako slijedi:

- **predsjednik Upravnog odbora Univerziteta u Sarajevu,**
- **tri (3) člana Upravnog odbora Univerziteta u Sarajevu.**

Predsjednika i tri člana Upravnog odbora Univerziteta u Sarajevu imenuje Vlada Kantona Sarajevo nakon provedene konkursne procedure.

Opšti uslovi

Za predsjednika/člana Upravnog odbora Univerziteta u Sarajevu može biti izabran odnosno imenovan kandidat koji ispunjava opšte uslove:

- a) da je državljanin Bosne i Hercegovine;
- b) da je stariji od 18 godina;
- c) da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja Javnog konkursa;
- d) da se na tog kandidata ne odnosi član IX. 1. Ustava Bosne i Hercegovine;
- e) da nije osuđivan za krivično djelo ili za privredni prestup;
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08).

Posebni uslovi

Pored opštih uslova, kandidat koji se nominira/imenuje za poziciju predsjednika ili člana Upravnog odbora koje imenuje Vlada Kantona Sarajevo, treba da ispunjava i sljedeće posebne uslove:

- a) kandidat koji se imenuje za predsjednika Upravnog odbora treba da posjeduje naučni stepen doktora nauka;
- b) kandidat koji se imenuje za člana Upravnog odbora treba da posjeduje najmanje univerzitetsku diplomu-VII stepen stručne spreme za kandidate koji su visoku stručnu spremu

stekli po predbolonjskom sistemu studija, odnosno diplomu drugog ciklusa studija za kandidate koji su visoku stručnu spremu stekli po Bolonjskom sistemu studija i najmanje pet (5) godina radnog staža u struci nakon sticanja diplome;

- c) da nema privatni finansijski interes na Univerzitetu u Sarajevu pod kojim se podrazumijeva svaka poslovna saradnja između Univerziteta u Sarajevu i kandidata, koja bi predstavljala sukob interesa u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08);
- d) da nije u radnom odnosu na Univerzitetu u Sarajevu odnosno na organizacionoj jedinici/članici ili pridruženoj članici Univerziteta ili da se ne nalazi u situaciji ili odnosu koji predstavlja sukob interesa;
- e) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi kao ustanovi koja je registrovana u Bosni i Hercegovini, bez obzira na iznos naknade koji se isplaćuje za angažman;
- f) da nije rukovodilac organa uprave koji je nadležan za vršenje nadzora nad zakonitošću rada Univerziteta u Sarajevu.

Nadležnost i mandat Upravnog odbora Univerziteta u Sarajevu

Nadležnosti Upravnog odbora Univerziteta u Sarajevu utvrđene su Zakonom o visokom obrazovanju („Službene novine Kantona Sarajevo“, br. 36/22 i 28/25), Statutom Univerziteta u Sarajevu i drugim aktima Univerziteta u Sarajevu.

Predsjednik/član Upravnog odbora Univerziteta u Sarajevu imenuje se na mandatni period od četiri godine i ne može biti imenovan više od dva puta uzastopno.

Prijava na Javni konkurs

Uz prijavu na Javni konkurs kandidati su obavezni dostaviti:

- 1. biografiju;
- 2. univerzitetsku diplomu;
- 3. uvjerenje o državljanstvu (ne starije od šest mjeseci od dana objavljivanja Javnog konkursa);
- 4. rodni list;
- 5. potvrdu/uvjerenje o radnom stažu u struci;
- 6. potpisanu izjavu i ovjerenu od strane nadležne općinske službe ili notara kojom kandidat potvrđuje:
 - a) da nije otpuštan iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja Javnog konkursa;
 - b) da se na tog kandidata ne odnosi član IX. 1. Ustava Bosne i Hercegovine;
 - c) da nije osuđivan za krivično djelo ili za privredni prestup;
 - d) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08).
 - e) da nema privatni finansijski interes na Univerzitetu u Sarajevu pod kojim se podrazumijeva svaka poslovna saradnja između Univerziteta u Sarajevu i kandidata, koja bi predstavljala sukob interesa u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH“, broj: 70/08);
 - f) da nije u radnom odnosu na Univerzitetu u Sarajevu odnosno na organizacionoj jedinici/članici ili pridruženoj članici Univerziteta ili da se ne nalazi u situaciji ili odnosu koji predstavlja sukob interesa;
 - g) da nije u radnom odnosu ili da nije uključen u realizaciju nastavnog procesa ili angažovan po nekom drugom osnovu na visokoškolskoj ustanovi kao ustanovi koja je registrovana u Bosni i Hercegovini, bez obzira na iznos naknade koji se isplaćuje za angažman;
 - h) da nije rukovodilac organa uprave koji je nadležan za vršenje nadzora nad zakonitošću rada Univerziteta u Sarajevu.

Sve dokumente tražene Javnim konkursom potrebno je dostaviti u originalu ili ovjerenoj fotokopiji.

Postupak izbora i imenovanja obavlja se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 12/03, 34/03 i 65/13).

Napomena

U prijavi na Javni konkurs potrebno je **obavezno naznačiti na koju se poziciju kandidat prijavljuje**, odnosno da li se prijavljuje/aplicira na poziciju predsjednika ili člana Upravnog odbora Univerziteta u Sarajevu.

Ukoliko u podnesenoj prijavi na Javni konkurs kandidat precizno ne naznači na koju poziciju se prijavljuje odnosno aplicira, ista će se smatrati neurednom i neće biti uzeta u razmatranje.

Za prijavu na ovaj Javni konkurs nije predviđen poseban prijavni obrazac.

Javni konkurs se objavljuje u „Službenim novinama Federacije Bosne i Hercegovine“, u jednom dnevnom listu i na zvaničnoj internet stranici Ministarstva za nauku, visoko obrazovanje i mlade Kantona Sarajevo, a **ostaje otvoren petnaest (15) dana od dana posljednjeg javnog objavljivanja.**

Prijavu na Javni konkurs sa propisanom dokumentacijom, u zatvorenoj koverti, kandidati dostavljaju lično ili putem pošte na adresu: Ministarstvo za nauku, visoko obrazovanje i mlade Kantona Sarajevo, ul. Reisa Džemaludina Čauševića 1, sa naznakom:

„Prijava na Javni konkurs za izbor i imenovanje predsjednika i članova Upravnog odbora Univerziteta u Sarajevu - ispred Osnivača. Ne otvaraj – otvara Komsija.“

Nepotpune, neblagovremene i neuredne prijave na Javni konkurs neće biti uzete u razmatranje.